



## SLUŽBA ZA PODUZETNIŠTVO I LOKALNI RAZVOJ

Broj: **SL/21.**  
Vitez, **19.10.2021.**

### **Informacija o stanju kanalizacionih mreža u naseljima na području općine Vitez**

Kanalizacione mreže u naseljima na području općine Vitez u proteklom periodu građene su na osnovu prijedloga mjesnih zajednica i osiguravanja potrebnih sredstava za izgradnju kanalizacionih mreža. Stanje izgrađenosti kanalizacionih mreža na području općine Vitez je slijedeće:

#### **1. Kanalizaciona mreža u urbanom dijelu općine Vitez**

Kanalizaciona mreža u urbanom dijelu općine Vitez je rađena prije 50 godina.

Izgrađena kanalizaciona mreža je izgrađena na način da je u istoj cijevi i oborinska i fekalna kanalizacija što predstavlja ozbiljne probleme prilikom jačih padavina. U takvim situacijama bujične vode nanose velike količine pijeska i drugih nečistoča u cijevi što dovodi do začpljenja cijevi i smanjenja protoka. U 2007. urađeno je Idejno rješenje kanalizacionog sistema u urbanom poručju općine Vitez.

Što tiče izgradnje kanalizacionih mreža u urbanom području od 2013. godine urađeno je nekoliko projekata na rekonstrukciji kanalizacione mreže, odnosno odvodnji oborinskih fekalnih voda u dijelu naselja Botrine.

U 2013. godini urađena je dionice kanalizacione mreže u gradu lokalitet Vučjaci, vrijednost radova iznosila je 10.000,00 KM sredstva su odobrena od strane SBK-a.

2018. godine urađena je odvodnja oborinskih voda sa kolovoza i naselja Podgradina, vrijednost izvedenih radova iznosila je 7.020,00 KM.

Ugovor na rekonstrukciji kanalizacione mreže urbanog područja od Benziske pumpe INA do kuće Radoš zaključen 24.08.2018.g. sa izvođačem IGM IUT „HASKIĆ“ d.o.o. Vitez, vrijednost ugovora iznosila je 66.784,30 KM.

Ugovor o izvođenju radova na izgradnji kanalizacione mreže urbanog područja kolektori 1, 4 i 5 ispod kružnog tokazaključen je sa izvođačem radova Ganik I.D.A. d.o.o Vitez. Vrijednost ugovorenih radova iznosila je 147.414,15 KM.

U toku 2019. godine urađen je Glavni pojekat kanalizacione mreže urbanog područja grada Viteza.

## **2. Kanalizaciona mreža u naseljima Šantići, Žume i Ahmići**

Izgradnja kanalizacione mreže u naseljima Šantići, Žume i Ahmići odvijala se u nekoliko faza.

Prva faza realizirana je u toku 2009. U toku realizacije prve faze izgrađeno je kanalizacione mreže ukupne dužine 570 m u naselju Ahmići sa septikom 300 ES i kanalizacione mreže u naseljima Šantići-Žume ukupne dužine 534 m sa septikom 580 ES.

Ukupna vrijednost ugovorenih poslova iznosi 316.642,14 KM. Investitori su: Agencija za vodno područje rijeke Save Sarajevo sa 200.000,00 KM, općina Vitez sa iznosom od 74.614,32 i JKP „Vitkom“ Vitez sa iznosom od 42.027,82 KM. Izvođač radova je JKP „Vitkom“ Vitez.

U drugoj fazi utrošeno je 74.214,62 KM izgradnje kanalizacione mreže Šantići, Žume, Ahmići. Navedeni iznos utrošen je za plaćanje naknadnih i nepredviđenih radova iz prve faze. Sredstva u iznosu od 74.214,62 KM dobijena su od Agencije za vodno područje sливovi rijeke Save.

U trećoj fazi realizirana je nastavak radova na izgradnji kanalizacione mreže u naseljima Šantići, Žume Ahmići. Vrijednost izvedenih radova iznosila je 33.394,71 KM. Sredstva u iznosu od 30.000,00 KM osigurana su od Federalnog ministarstva raseljenih osoba i izbjeglica.

U četvrtoj fazi ralizirana je izgradnja kanalizacione mreže u dijelu naselja Ahmići zvanog Grabovi. Radovi su finansirani sredstvima općine Vitez, ukupno je izdvojeno 9.758,86 KM, i za taj iznos urađena je sekundarna knalizaciona mreža za grupu kuća kod Gornje džamije.

U petoj fazi urađena je sekundarna kanalizaciona mreža u naselju Žume, za priključak 5 sekundarnih vodova od 5 grupa kuća Vrepčeve, Livančića, Bilića, Vidovića, Puda, Šakića i O.Š. Topala. Vrijednost radova iznosila je 10.573,85 KM, urađeno je 165 m, sredstva su osigurana od strane Ministarstvo prostornog uređenja obnove i povratka SBK.

Ugovrena je šesta faza izgradnje kanalizacione mreže u naselju Ahmići dionica VII i VIII uz magistralnu cestu. Ugovorom je predviđeno da se uradi 147 m primarne vodovodne mreže, ukupna vrijednost radova je 15.823,25 KM, sredstva za realizaciju ovih poslova osiguralo je Ministarstvo prostornog uređenja obnove i povratka SBK.

Sedmom fazom obuhvaćeni su radovi na izgradnji dijela kanalizacione mreže oko nogometnog stadiona Žume. Vrijednost radova iznosila je 34.405,72 KM. U toku 2018. godine izvedeni radovi na izgradnji kanalizacije od preliva septika do recipijenta. Vrijednost izvedenih radova iznosila je 12.650,00 KM.

Za izgradnju kanalizacione mreže u naseljima Šantići Žume i Ahmići ukupno je potrošeno 507.463,15 KM. Izgrađeni septici su u funkciji. Prostalo je da se uradi kanalizaciona mreža nekih dijelova naselja Žume.

### **3. Kanalizaciona mreža naselje Grgino polje lijeva strana MZ Bila**

Dana 28.12.2007. godine zaključen je Ugovor između Federalnog ministarstva poljoprivrede vodoprivrede i šumarstva i Općine Vitez kojim je Ministarstvo osiguralo iznos od 20.000,00 KM za izradu projektne dokumentacije za navedeni projekat.

Početkom 2008. godine urađen je Glavni projekt koji je uradilo preduzeće „GAMES“ d.o.o. Travnik.

Nakon provedene procedure izbora izvođača radova dana 18.06.2008. godine zaključen je Ugovor o građenju između Općine Vitez kao investitora i „GANIK“ d.o.o. i „HORIZONT“ d.o.o. iz Viteza kao izvođača radova. Ugovorena vrijednost radova iznosila je 174.654,10 KM.

Zbog ograničenog raspoloživog iznosa sredstava nije izgrađena cijelokupna kanalizacija u naselju Grgino polje. Mještani su uz manju pomoć općine Vitez gradili mrežu i priključivali se na kanalizacionu mrežu.

### **4. Izgradnja kanalizacione mreže u naselju Grgino polje- desna strana**

U toku 2014. godine izdvojeno je 2.300,00 KM iz Budžeta općine Vitez za 2014. godinu za izradu projektne dokumentacije za kanalizacionu mrežu u naselju Grgino polje desna strana. Urađen je Idejni projekat kanalizacione mreže za naselje Grgino polje desna strana.

Ministarstvo prostornog uređenja, zaštite okoliša, obnove i povraka SBK je u 2015. godini odobrilo sredstva u iznosu od 24.000,00 KM za izradu projektne dokumentacije kanalizacione mreže u naselju Grgino polje desna strana. Urađena je I faza kanalizacione mreže ukupne dužine 390 m.

Za ostala naseljena mjesta u MZ Bila ova Služba nema informacije o stanju kanalizacionih mreža, stanovnici su u vlastitoj režiji rješavali kanalizacije.

### **5. Kanalizaciona mreža u naselju Donja Dubravica (Novaci)**

Kanalizaciona mreža u naselju Novaci građena je u dva navrata i to 2010. god. i 2012. god.

U toku 2010. godine je izvršena regulacija površinskih i oborinskih voda na potezu rijeka Lašva – stambeni objekat Bertović Anto – izlaz ispod Auto moto društva u ukupnoj dužini 220 m betonskim cjevima Ø 600 mm, a prema sačinjenom predmjeru što je urađeno do 01.12.2010. godine

U drugom dijelu je izvršena izgradnja dijela kanalizacionog sistema naselja Dubravica cijevima PVC rebrastim Ø 300 mm u dužini 90 m a prema glavnom projektu kanalizacionog sistema naselja Dubravica, što je urađeno 04. i 05. 12. 2010. godine.

Za izvođenje gore navedenih radova utrošeno je 17.659,35 KM.

U toku 2012. godine izgrađeno je 152 m kanalizacione mreže promjera 600 mm za odvodnju oborinskih voda i 71 m kanalizacione mreže promjera 300 mm. Ukupna vrijednost izvedenih radova iznosila je 12.724,00 KM. Od navedenog iznosa iz sredstava SBK osiguran je iznos od 8.000,00 KM, preostali iznos osigurala je općina Vitez. U 2021. godini od strane Federalnog

ministarstva raseljenih i izbjeglih odobreno je 30.000,00 KM za izgradnju fekalne kanalizacione mreže u MZ Dubravica. Sredstva nisu realizovana radi toga što se čeka završetak procedure javnog poziva kod Fonda za zaštitu okoliša Federacije BiH na koji se prijavila općina Vitez. Ukoliko se odbri aplikacija u tom slučaju bi se udružila sredstva i izveli bi se radovi na izgradnji cjelikupne kanalizacione mreže u naselju Donja Dubravica (Novaci i Križančovo selo).

U toku 2018. godine izvedeni su radovi na izgradnji oborinske odvodnje u naselju Donja Dubravica od O.Š. Dubravica prema naselju Tolovići. Vrijednost izvedenih radova iznosila 20.650,50 KM.

## **6. Kanalizaciona mreža u naselju Grbavica**

U toku 2012. godine zključen je Ugovor o namjenskom korištenju doniranih sredstava između općine Vitez i Federalnog ministarstva raseljenih osoba i izbjeglica kojim je Ministarstvo odobrilo iznos od 30.000,00 KM za sufinansiranje izgradnje kanalizacione mreže u naselju Grbavica.

Na osnovu prijedloga Savjeta MZ Grbavica realizirana je izgradnja dionice FK 8., a na osnovu Glavnog projekta izgradnje kanalizacije mreže u naselju Grbavica urađenog od strane perpjektanta "AS PROMING" d.o.o. Travnik. Radove je izvodio izvođač radova "GANIK" I.D.A. d.o.o. Vitez, za izvođenje radova je plaćeno 23.637,38 KM, a nadzor je vodio EMG "VITING" d.o.o. Vitez nadziranje poslova koštalo je 970,00 KM. Za izgradnju dijela kanalizacije u naselju Grbavica ukupno je utrošeno 24.637,38 KM.

Dio naselja Ponjave je u vlastitoj režiji izgradilo kanalizacionu mrežu i priključilo istu na kanalizacionu mrežu nakadašnje farme. Zbog dugogodišnjeg korištenja, a lošeg održavanja ovaj dio kanalizacije često se začepi.

Naselje Divjak je u vlastitoj režiji rješavalo odvodnju oborinskih voda.

Uz saglasnost općine Vitez mještani naselja Grbavica su realizirali izgradnju kanalizacione mreže u naselju Grbavica koja nije bila obuhvaćena ranijim projektima izgradnje kanalizacione mreže. Mještani su skupili preko 68.500,00 KM te uz simboličnu pomoć općine Vitez u iznosu od 7.000,00 KM je izgrađena kanalizaciona mreža koja je uključena na postojeću kanalizacionu mrežu sa likaliteta bivše farme. Ukupna vrijednost urađenih poslova je 75.500,00 KM.

U naselju Grbavica preostalo je da se urade dionice sekundarne mreže.

## **7. Kanalizaciona mreža u naselju Jardol**

U novembru mjesecu 2013. godine urađen je Glavni projekt kanalizacione mreže u naselju Jardol. Projekt je uradio "Higracon" d.o.o. Sarajevo, a sredstva za finansiranje izrade projekta osiguralo je Kantonalno ministarstvo poljoprivrede, vodoprivrede i šumarstva SBK. U toku 2015. god urađena je dionica kanalizacione mreže koja je finansirana iz sredstava Fonda za zaštitu okoliša SBK/KSB.

Druga dionica je urađena 2016. godine, a finansirana je iz sredstava Fonda za zaštitu okoliša SBK/KSB.

Za izgradnju dvije dionice kanalizacione mreže u naselju Jardol ukupno je utrošeno 20.038,22 KM, a izgrađeno je 320 m kanalizacije.

## **8. Kanalizacione mreže u naselju Krčevine**

Kanalizaciona mreža u naselju Krčevine građena je u tri faze:

Prva faza obuhvatala je izgradnju 85 m kanalizacione mreže. Za realizaciju ove faze Srednjobosanski kanton osigurao je 5.000,00 KM.

U drugoj fazi je izgrađeno 448 m kanalizacione mreže. Za ovu fazu sredstva u iznosu od 20.000,00 KM su osigurana od Srednjobosanskog kantona.

Za realizaciju treće faze sredstva su osigurana od strane Federalnog ministarstva za raseljene osobe i izbjeglice u iznosu od 50.000,00 KM. Realizacijom ove faze izgrađeno je 978 m kanalizacione mreže. Radove je izvodio izvođač „SIGMA SK“ d.o.o.Zenica, a poslove je nadzirao „E.M.G. VITING“ d.o.o. Vitez.

Za izgradnju kanalizacione mreže u naselju Donje Krčevine ukupno je utrošeno 91.700,00 KM. Kanalizacija u dijelu naselju Donje Krčevine je završena i priključena na kanalizaciju Poslovne zone PC 96-2, prečistač otpadnih voda u PC 96-2.

Mještani su za finansiranje ovog dijela kanalizacije prikupili sredstva u iznosu od 12.350,00 KM. Radovi su se izvodili na osnovu glavnog projekta, čiju izradu su finansirali mještani. Na ovu kanalizacionu mrežu priključeno je ukupno 41 korisnik.

## **9. Izgradnja kanalizacione mreže u naselju Rijeka**

Izgradnja kanalizacione mreže u naselju Rijeka realizirana je u toku 2012. i 2013. godine. Radovi su se izvodili na osnovu Glavnog projekta primarne kanalizacione mreže za naselje Rijeka, urađen od strane projektanta "GAMES" d.o.o. Travnik. Cijena koštanja izrade Glavnog projekta primarne kanalizacione mreže u naselju Rijeka je koštala 12.000,00 KM, a sredstva su osigurali mještani, cijena koštanja izrade Glavnog projekta sekundarne mreže za grupu kuća koštala je 4.000,00 KM a finansirana je od strane Srednjobosanskog Kantona.

Za izgradnju primarne kanalizacione mreže u naselju Rijeka utrošeno je 169.278,81 KM

Izgradnja kanalizacione mreže u naselju Rijeka finansirana je iz više izvora:

- mještani su osigurali iznos od 21.579,81 KM;
- Fond za zaštitu okoliša FBiH osigurao je iznos od 150.000,00 KM;
- Srednjobosanski Kanton je osigurao iznos od 4.000,00 KM;
- općina Vitez je osigurala je iznos od 9.700,00 KM.

Ovim projektom obuhvaćen je manji dio teritorije MZ Rijeka.

U toku 2018. godine izvedeni su radovi na izgradnji oborinske odvodnje na lokaciji od Crvenog brca nizvodno, vrijednost izvedenih radova iznosila je 25.219,76 KM.

Za dio naselja Rijeka ulica Mostarska je tokom 2016. g. urađena projektna dokumentacija. Prema projektnoj dokumentaciji ukupna dužina kanalizacione mreže u Mostarskoj ulici je 593 m.

## **10. Izgradnja kanalizacione mreže u MZ Zabilje Sadovače**

U toku 2014. godine izdvojeno je 3.500,00 KM iz Budžeta općine Vitez za 2014. godinu za izradu projektnе dokumentacije za kanalizacionu mrežu u naseljima Sadovače- Zabilje. Urađen je Idejni projekat kanalizacione mreže za naselje Sadovače i Zabilje. Krajem 2015. godine nabavljene su cijevi koje će se položiti u trasu regionalnog puta Bila- Han Bila a koje su u skladu sa Idejnim projektom kanalizacije u naseljima Sadovače- Zabilje.

Ministarstvo prostornog uređenja, zaštite okoliša, obnove i povraka SBK je u 2015. godini odobrilo sredstva u iznosu od 10.000,00 KM za izradu projektnе dokumentacije kanalizacione mreže u naseljima Sadovače Zabilje. Urađen je Glavni projekt kanalizacione mreže za MZ Zabilje Sadovače.

## **11. Kanalizaciona mreža u MZ Kruščica**

Kanalizaciona mreža u naselju Kruščica radila se u nekoliko faza.

Prva faza rađena je 2010. godine, urađena je dionica od Miškovića pilane do Fatine vodice, sredstva su osigurana od Ministarstva za ljudska prava i izbjeglice. Ukupno je utrošeno 25.000,00 KM.

Druga faza realizirana je u toku 2014. godine, urađena je kanalizaciona mreža u dijelu naselja Kruščica oko Osnovne škole Kruščica, sredstva u iznosu 13.200,00 KM osigurana su od Fonda za zaštitu okoliša SBK.

Sredstva za realizaciju dijela kanalizacione mreže u dijelu naselja Kruščica zvanom Đelilovići i Zvizdići osigurana su u toku 2015. godine, dijelom od Fonda za zaštitu okoliša SBK 25.000,00 KM, a dijelom od strane mještana 10.120,36 KM. Ukupna vrijednost ugovorenih poslova iznosila 35.120,36 KM.

Četvrta faza izgradnje kanalizacione mreže u dijelu naselja Kruščica zvanom Huremi realizirana je u toku 2017. godine. Vrijednost izvedenih radova iznosila je 22.348,87 KM.

U toku 2016. godine urađen je Glavni projekt kanalizacione mreže u dijelu naselja Kruščica zvanom Bobaši

Fond za zaštitu okoliša Federacije BiH je odobrio 20.000,00 KM za izradu Glavnog projekta kanalizacione mreže za MZ Kruščica.

## **12. Kanalizaciona mreža u naselju MZ Preočica**

Kanalizaciona mreža u naselju Preočica je urađena dijelu naselja koje gravitira slivu Preočkog potoka. Izgrađena kanalizaciona mreža je u jako lošem stanju i u nekim dijelovima potrebno je istu rekonstruisati.

U toku 2016. godine izgrađena je kanalizaciona mreža u naselju Crnovlje. Ugrađene su ranije nabavljenе betonske cijevi, sredstva u iznosu od 7.019,42 KM osigurana su iz Budžeta općine Vitez.

Trenutno je u toku izvođenje radova na izgradnji kanalizacione mreže da dio naselja Gornje Lazine. Za ovu dionicu kanalizacione mreže sredstva su osigurana od Fonda za zaštitu okoliša SBK u iznosu od 20.000,00 KM. U toku je procedura javne nabavke za nabavku kanalizacionih cijevi za sanaciju kanalizacione mreže dijela naselja Preočica Donje Lazine.

## **13. Kanalizaciona mreža u MZ Šantići Sivrino Selo**

Kanalizacione mreže u MZ Šantići Sivrino selo u naseljima Buhine kuće, Grgića kuće i Sivrino Selo su u jako lošem stanju. Otpadne vode iz domaćinstava se ispuštaju direktno u vodotoke.

Za dio naselja Grgića kuće urađen je Glavni projekat, međutim zbog izgradnje mini hidrocentrale potrebno je uraditi izmjenu projekta.

U dijelu naselja Šantići Žume izgrađen je veći dio kanalizacione mreže sa septikom. Preostalo je da se uradi dio kanalizacione mreže unutar naselja Žume.

## **14. Kanalizaciona mreža u naselju Stari Vitez**

Kanalizacija u naselju Stari Vitez izgrađena je prije rata 92.-95. god.

Nakon rata novoizgrađene kuće u Viteškom polju su se priključivale na postojeću kanalizaciju, uključujući i oborinske vode. Zbog priključivanja velikog broja novih korisnika iz novog naselja izgrađena kanalizaciona mreža ne može prihvati oborinske i fekalne vode te često dolazi do začepljenja kanalizacione mreže. Prilikom većih padavina zbog malog profila cijevi dolazi do začepljenja i izlivanja fekalnih voda u dvorište Idrizbegović Harisa. Sve otpadne vode ispuštaju se direktno u potok Lupnica i u rijeku Lašvu.

U toku 2012. godine urađena je projektna dokumentacija za cijelokupnu kanalizacionu mrežu u slivu potoka Lupnica koja obuhvata naselja Stari Vitez, Očice, Mlakići, Gačice.

## **15. Kanalizaciona mreža u naselju Bukve**

Kanalizaciona mreža u naselju Bukve je jako lošem stanju. Sve otpadne vode ispuštaju se u lokalni potok koji se formira u naselju Bukve i dalje teče prema naselju Jardol. Urađena je projektna dokumentacija za izgradnju kanalizacione mreže za naselje Bukve.

## **16. Kanalizaciona mreža u MZ Lupac**

U MZ Lupac je u toku 2016. godine izgrađena kanalizaciona mreža u dijelu naselja Lupac zvanom Bare. Za izgradnju dijela kanalizacione mreže i MZ Lupac, dio naselja Bare izdvojeno je 5.000,00 KM iz Budžeta općine Vitez. Ostali dio naselja Lupac nije radio organizirano kanalizacionu mrežu.

U toku 2018. godine za sanaciju kanalizacione mreže oko izvorišta Sedra uloženo je 6.560,00 KM. U toku 2021. godine nastavljeni su radovi na izgradnji kanalizacione mreže oko izvorišta Sedra, vrijednost izvedenih radova iznosila je 6.611,89 KM.

## **17. Kanalizaciona mreža u MZ Gačice**

Kanalizaciona mreža u naselju Gačice je riješena na način da se individualno svako domaćinstvo uključilo u lokalni potok Lupnica. U nekim dijelovima naselja Gačice grupe kuća su zajednički gradile kanalizacionu mrežu.

U 2012. godini urađen je Glavni projekat kanalizacione mreže za naselja Stari Vitez, Očice Gačice, Kamenjače i Zlič. U 2018. godini urađene su izmjene i dopune projektne dokumentacije za područje MZ Gačice. Vrijednost investicije prema urađenom projektu je cca 1.500.000,00 KM.

U toku 2020. godine Fond za zaštitu okoliša SBK osigurao je dredstva u iznosu od 34.000,00 KM za izgradnju kanalizacione mreže u naselju Gačice.

## **18. Kanalizaciona mreža u MZ Počulica**

Kanalizacione mreže u naseljima na području MZ Počulica rješavana je parcijalno na način da su se grupe kuća organizirale i otpadne vode odvele u najbliže vodotoke. Do sada nije bilo inicijativa za zajedničke projekte izgradnje kanalizacione mreže u naseljima na području MZ Počulica.

U toku 2018. godine realizirana izgradnja mješovite kanalizacione mreže u MZ Počulica, naselje Prnjavor 18.324,06 KM. Za realizaciju ovog projekta 10.000,00 KM osigurano je od strane Fonda za zaštitu okoliša SBK.

## **19. Kanalizaciona mreža u MZ Večeriska**

Na području MZ Večeriska kanalizacione mreže su rađene na način da su mještani sami rješavali odvodnju fekalnih kanalizacija. Općina Vitez je učestvovala u izgradnji oborinske odvodnje u dijelu naselja Donja Večeriska od Mejtefa uzvodno. Također općina Vitez je finansirala radove na izgradnji mješovitog sistema odvodenje u dijelu naselja Donja Večeriska od Drnića kuća nizvono do kraja sela i dijelu naselja Donja Večeriska lokacija pored kuće Zlotrg Mehmeda.

## **20. Izrada projektne dokumentacije za kanalizacione mreže**

Na osnovu analize stanja potrebno je uraditi projektnu dokumentaciju za slijedeća područja: MZ Počulica, MZ Dubravica i MZ Šantići Sivrino selo

- Izrada projektne dokumentacije za kanalizacionu mrežu za 3 mjesne zajednice: Počulica, Šantići-Sivrino selo i Dubravica sliv prema Dubravičkom potoku;
- Izrada projektne dokumentacije za preostali dio MZ Počulica.

MZ Bila

- Izrada projektne dokumentacije kanalizacione mreže u Mošunju
- Izrada projektne dokumentacije kanalizacione mreže u Marosima
- 

MZ Šantići – Sivrino selo

- Izrada projektne dokumentacije za mrežu oborinskih voda za kompletna naselja Sivrino selo i Buhine kuće.

## **21. Prioriteti za izgradnju kanalizacione mreže**

Prva grupa prioriteta (kanalizacione mreže u zaštitnim zonama izvorišta Kremenik), za naselja za koje je urađena projektna dokumentacija

1. Izgradnja kanalizacione mreže u naseljima Jardol i Bukve;
2. Izgradnja kanalizacionih mreža u MZ Bila.
3. Izrada kanalizacione mreže u mjesnoj zajednici Zabilje- Sadovače po projektnoj dokumentaciji koja je završena.

Druga grupa prioriteta (kanalizacione mreže za koje je izrađena projektna dokumentacija, izdate urbanističko građevinska dokumentacija ili su započeti radovi)

1. Izgradnja kanalizacione mreže urbanog područja
2. Izgradnja kanalizacione mreže Novaci – Donja Dubravica, po projektu, MZ Dubravica;
3. Izgradnja primarne kanalizacione mreže Gačice – Stari Vitez
4. Nastavak izgradnje kanalizacionih vodova Gornji Ahmići, Gornji i Donji Pirići, MZ Ahmići.

Treća grupa prioriteta (ostali projekti kanalizacionih mreža prema prijedlozima iz mjesnih zajednica)

1. Rješavanje problema kanalizacije u gornjem dijelu naselja Lupac, na lokaciji zv. Bare, od kuće Čazima Jašarevića do kuće Muniba Topoljaka, u dužini cca. 300m, MZ Lupac.
2. Nastavak radova na izradi kanalizacione mreže u MZ Krčevine kao i uključenje u mrežu naselja Babići i Strukareve kuće uz centralni put.
3. Nastavak izgradnje kanalizacije u Vrhovinama i Počulici, MZ Počulica
4. Završetak kanalizacionog voda na potezu Drmića kuće – Principov potok (Donja Večeriska), MZ Večeriska
5. Postavljanje cijevi u potoku kod škole (Gornja Večeriska), MZ Večeriska;

6. Rekonstrukcija dijela kanalizacione mreže u Botrinama (kuća Smajić Ismeta) u dužini 60 metara, MZ Vitez I;
7. Sanacija kanalizacije od kuće Slavka Batinića do Lašve, Stari Vitez
8. Sanacija kanalizacije od kuće Sivro Nermina do kuće Hodžić Safeta, MZ Stari Vitez
9. Izgradnja kanalizacione mreže i rješavanje problema otpadnih voda kod kuće Sivro Nasira u naselju Sivrino selo, MZ Šantići-Sivrino selo
10. Izrada kanalizacione mreže na potezu Zvonari-Krežići do kuće Bonić Ivana, MZ Rijeka.

Zbog ozbiljnih problema u funkcionisanju kanalizacionih sistema na području općine Vitez a ograničenog iznosa sredstava za izgradnju kanalizacionih sistema, općina Vitez bi trebala pokrenuti proceduru kreditnog zaduženja radi izgradnje kanalizacione mreže za cijelo područje općine Vitez i prečistača otpadnih voda.

